

Ibrahim Bećirbegović  
Miševići 295  
Hadžići

Sarajevo, 03.05.2019. godine

**KANTONALNO TUŽILAŠTVO  
KANTONA SARAJEVO**

**Na broj: T09 0 KTPO 0121186 18**

03-05-2019

Na Obavještenje Kantonalnog tužilaštva Kantona Sarajevo broj T09 0 KTPO 0121186 18 od 22.04.2019. godine, kojim sam obaviješten da je Kantonalno tužilaštvo Sarajevo donijelo naredbu da se neće provoditi istraga protiv prijavljenih Mujić Mirsada, Đogo Nezirana, Matoruga Nedima, Trgo Jasmine, Hajrudina Buze, Nedima Džafića i Petera Duha kojima je stavljeno na teret počinjenje više krivičnih djela (čl. 340,383 i 252. KZ FBiH), podnositelj krivične prijave Bećirbegović Ibrahim blagovremeno i u rokovima iz čl. 231. st. 4. ZKP FBiH u vezi s čl. 173. st. 4. ZKP FBiH (Obavijest je primljena dana 26.04.2019. godine), temeljem čl. 231. st. 4. ZKP FBiH, podnosim slijedeću:

**PRITUŽBU**

te predlažem da Ured tužitelja istu uvaži, te u skladu s čl. 239. st. 3. ZKP FBiH, u vezi s čl. 239. st. 1. tačka c) ZKP FBiH, otvori istragu protiv imenovanih lica.

**Donesena naredba o neprovođenju istrage protiv prijavljenih Mujić Mirsada, Đogo Nezirana, Matoruga Nedima, Trgo Jasmine, Buza Hajrudina, Džafić Nedima i Duha Petera je nezakonita.**

**O b r a z l o ž e n j e**

Nesporno je da postoje osnovi sumnje da je Uprava JP BH POŠTA d.o.o. Sarajevo u sastavu kako je navedeno u krivičnoj prijavi, uz pomoć više osoba (Hajrudin Buza, direktor pravne službe u JP BH Pošta; Nedima Džafića, šefa odjeljenja za javne nabavke u JP BH Pošta i Petera Duha, vlasnika-direktora firma MP Sistemi Ljubljana-Slovenija, državljanina Republike Slovenije), organizirala grupu ljudi s ciljem činjenja više krivičnih djela i pribavljanja protivpravne imovinske koristi za pravnu osobu MP Sistemi Ljubljana-Republika Slovenija, zloupotrijebili svoj položaj na način da su na sjednicama Uprave Društva donosili odluke i zaključivali štetne ugovore, kao što je u krivičnoj prijavi obrazloženo.

U obrazloženju Naredbe da se neće provoditi istraga protiv Mirsada Mujića i dr. postupajući tužilac navodi da je svoju Naredbu donio isključivo na osnovu Informacije koju je dobio upravo od prijavljenih osoba za učinjena krivična djela

**i temelji je na navodima iz te Informacije od 22.03.2019 godine, čime je takvim postupanjem prekršio princip jednakosti u postupanju iz člana 15 ZKP FBiH.**

Ne želeći ponovno navoditi sve navode iz krivične prijave protiv Mirsada Mujića i drugih ovom prilikom potvrđujem da ostajem u cijelosti iza krivične prijave, s tim da dajem ispravku samo u dijelu broja ugovora od 31.05.2016 godine (broj je:238-1-2-186-5-77/16), **što je morao utvrditi i postupajući tužilac** jer se u prilogu krivične prijave na strani 19, nalazi Obrazac praćenja realizacije Ugovora JP BH Pošta doo Sarajevo sa ponuđačem MP SISTEMI d.o.o. Ljubljana iz kojeg se nesporno vidi da taj ugovor postoji.

Dalje **postupajući tužilac** u Obavještenju o ne sprovođenju istrage navodi da je Ugovor broj:238-1-2-186-5-77/16 od 31.05.2016 godine zaključen na period od 1 godine u cijelosti implementiran prije vremena na koji je zaključen, **temeljeći tu laž na navodu iz Informacije** "da zbog povećanih zahtjeva klijenata odnosno povećanja obima posla, te shodno zahtjevu nosioca posla bilo neophodno ugovoriti održavanje za dodatne količine" što apsolutno nije tačno, naime iz dostavljenih podataka iz stranica 53 i 54 priloga krivične prijave, **postupajući tužilac je morao utvrditi** da je GPC-Hibridna pošta Sarajevo 2016 godine ukupno ostvarila 24.281.429 usluga (štampanja A4 formata – strana 54 krivične prijave, kolona 5), a planom i rebalansom plana za 2017 godinu ukupno je planirano 25.465.000 usluga (štampanje A4 formata-strana 53, kolona 4), a Ugovorom broj:238-1-2-186-5-77/16 od 31.05.2016 godine ugovoreno je održavanje na godišnjem nivou štampanje 24.000.000 A4 formata, odnosno 24.000 click-ova (1 click = 1.000 A4 listova jednostrano odštampanih-full color).

Takođe iz rebalansa plana poslovanja za 2018 godinu ( dokaz u prilogu pritužbe ) je nesporno da ni u 2018 godini nije bilo planirano povećanje usluge štampanja klijentima.

**Prema tome nije bilo nikakve potrebe za raspisivanjem novog tendera za javnu nabavku održavanja INK JET sistema objavljenog 21.11.2016 godine 6 mjeseci prije isteka gore navedenog ugovora, odnosno zaključivanje novog ugovora broj:01-13.60-45/17 i br.01-29/17 od 31.01.2017 godine 4 mjeseca prije isteka i implementacije važećeg za poštu povoljnijeg gore navedenog ugovora.**

**Jedini razlog prijavljenih osoba da raspišu novi tender i zakluče štetan ugovor po JP BH Poštu, bio je da omoguće firmi MP Sistemi protiv pravnu imovinsku korist u iznosu od 70.720 KM.**

Zaključivanjem još jednog štetnog ugovora sa MP Sistemi d.o.o Ljubljana dana 12.06.2017 godine inkrimisana Uprava društva BH Pošta, na 4 mjesečno nivou, **omogućila je firmi MP Sistemi protivpravnu korist u iznosu cca 88.000 KM.**

Prihvatanjem navoda o povoljnosti otvorenog postupka iz Informacije od 22.03.2019 godine, **postupajući tužilac je prihvatio paušalan pristup** odabiru postupka javne nabavke, naime JP BH Pošta je od 2011 godine, to jest 5 godine provodila pregovarački postupak sa firmom MP Sistemi Ljubljana iz jednostavnog razloga što niti jedna firma kako u BIH tako i u Evropi nije imala eliminatorni uslov iz Tendara, to jest nije posjedovala:

**"Potvrdu da je ovlaštenu/osposobljeni ponuđač od strane proizvođača opreme (ili ekskluzivnog zastupnika proizvođača) za vršenje predmetne usluge održavanja sa certificiranim osobljem za sistem koji je predmet ove nabavke."**

osim firme MP Sistemi Ljubljana od koje je i nabavljena štamparija francuske proizvodnje IMPIKA INK JET Sistem.

Članovi ove inkriminisane grupe Mirsad Mujić, Neziran Đogo, Hajrudin Buza, Nedim Džafić i Peter Duh su dobro znali za ovaj eliminatorni uslov iz Tendera jer su učestvovali u pregovaračkim postupcima od 2011 godine.

Zbog ove činjenice pregovarački postupak obezbjeđuje najpovoljnije uslove za zaključivanje ugovornog odnosa za JP BH Pošta i **to je morao da utvrdi postupajući tužilac.**

Odabir Otvorenog postupaka koji je proveden kod ova dva štetna ugovora na period trajanja od 4 mjeseca, sa cijenom znatno većom cijenom je **napravio štetu JP BH Pošti u iznosu većem od 150.000 KM (ukupan iznos štete bi se utvrdio otvaranjem istrage u ovom predmetu).**

**Važno je još napomenuti da se kod otvorenog postupka zaključuje ugovor koji je ponuđač dao u ponudi, dok se kod pregovaračkog postupka s obzirom da se zna da može biti samo jedan ponuđač, pregovara o cijeni kao što je bio slučaj sa četiri prethodna ugovora sa MP Sistemi.**

Dokaz gore svemu iznesenom je i Odluka Uprave društva o izboru najpovoljnijeg ponuđača broj:U.D.01.3.2.-5-528/17 od 10.01.2017 godine, gdje su se na raspisani tender javila dva ponuđača: MP Sistemi d.o.o. Ljubljana i Optima IT d.o.o. Mostar i **gdje je ponuda firme Optima IT d.o.o. Mostar ocijenjena neprihvatljivom jer nije sadržavala gore navedenu "eliminatornu potvrdu"** (ova Odluka se nalazi u prilogu krivične prijave, strane 9 i 10).

**Sve predhodno navedeno nesporno dokazuje da je ova udružena grupa ljudi promjenila način postupka javne nabavke sa pregovaračkog postupka na otvoreni postupak samo iz razloga da se firmi MP Sistemi Ljubljana omogući protivpravna korist u iznosu većem od 150.000 KM iako je unaprijed znala da ugovor ne može dobiti niti jedna druga firma u BiH i Evropi, čime se faktički i dokazuje namjera (umišljaj) za činjenje krivičnog djela.**

S obzirom da sam u krivičnoj prijavi uključio u ovu organiziranu kriminalnu grupu i Petera Duha, vlasnika i direktora firme MP Sistemi d.o.o. Ljubljana-Republika Slovenija, **stranog državljanina**, krivičnu prijavu sam 20.11.2017 godine podnio Tužiteljstvu BiH i Državnoj Agenciji za istrage i zaštitu-SIPI.

Od SIPE sam dana 22.11.2017 godine dobio Obavještenje da oni nisu nadležni, te su prosljedili krivičnu prijavu Federalnoj upravi policije (FUP-e).

Iz Tužilaštva BiH sam takođe dobio Obavjest da oni nisu nadležni za krivična djela propisana krivičnim zakonom F BiH.

U obrazloženju ove Obavjesti Državni tužilac je konstatovao sljedeće:

**"da je Tužilaštvo BiH izvršilo analizu predmetne krivične prijave i utvrdilo da se ne radi o pogrešnom kvalifikovanju prijavljenih krivično-pravnih radnji, nego da činjenice i okolnosti navedene u prijavi upravo upućuju na mogućnost da su počinjena krivična djela koja su navedena u prijavi", (kopija Obavjesti Tužilaštva BiH u prilogu Pritužbe).**

**Nesporno da je u predistražne radnje provjere mojih navoda i dokaza iz krivične prijave uključen i FUP, pa je prosto nevjerovatno (za Ripli-a),**

**"da postupajući tužilac svoju Naredbu da se neće provoditi istraga protiv prijavljenih, donosi apsolutno i jedino na osnovu Informacije koju je dobio od upravo prijavljenih osoba".**

**Ovo je eklantantan primjer kršenja principa jednakosti u postupanju iz člana 15 ZKP F BiH.**

U kontekstu svega prethodno iznesenog, a imajući u vidu da su naredbom o ne provođenju istrage povrijeđena moja temeljne ljudska prava, prisiljen sam sa žaljenjem da konstatiram da ću nažalost biti prinuđen da ponovno zaštitu svojih ljudskih prava potražiti i kod Institucije ombudsmena za ljudska prava BiH, kao i drugih institucija za zaštitu ljudskih prava, kako bi se ista uključila u predmetni postupak i omogućila djelotvornu zaštitu mojih prava u skladu sa Zakonom.

Imajući u vidu sve navedeno ova pritužba je osnovana i na zakonu utemeljena pa se predlaže kao u uvodu iste.

Podnosilac pritužbe

  
Ibrahim Bećirbegović

Prilog:

- kopija krivične prijave od 19.01.2018 godine
- kopija 53 strane KP
- kopija 54 strane KP
- kopija revidiranog plana poslovanja za 2018 godinu
- kopija Obavjest Tužilaštva BiH od 14.03.2018 godine
- kopija Obavještenja SIPE od 22.11.2017 godine